

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- उपराज्यपाल मनोज सिन्हा होरें आखेआ जे सुरक्षाबल ते जम्मू कश्मीर पुलस आतंकवाद सरबंधी तंत्र गी खत्म करने लेई वचनबद्ध ऐ।
- मुख्मंत्री उमर अब्दुल्ला होरें वारवान च अग्ग लगने कन्नै प्रभावत परोआरें कन्नै मलाटी कीती ते फौरी राहत ते लम्मी अवधि लेई पुर्णवास उपलब्ध करोआने दा वादा कीता।
- सरकार नै रेल गड्डिङ्ग च एडवांस रिसरवेशन दी समें सीमा गी घटाइयै 60 दिन करने दा फ़ैसला कीता ऐ। एह फ़ैसला पैहली नवम्बर 2024 थमां लागू होग।
- कटुआ च कृषि विज्ञान केन्द्र नै किसान मेले दा आयोजन कीता तां जे अज्जै कल्लै साब्बै तैआर कीते गेदे ऐहल यानि नमू फर्टिलाइजर दा बेहतर तरीके कन्नै इस्तेमाल कीता जाई सकै।

<><><><><><>

LG Martyrs

उपराज्यपाल मनोज सिन्हा होरें उत्तरी, मध्य ते दक्खनी कश्मीर दे किश परोआरें दे मिंबरें कन्नै राजभवन च मलाटी कीती। एह ओह लोक हे जिंदे परोआरें आलें दी हत्या आतंकवादी संगठने आस्सेआ कीती गई ऐ। उनें उपराज्यपाल हुंदे थमां मंग कीती ही जे ओह उंदे बकाया मामले च आपू दखल देन। आतंकवादिएं आस्सेआ मारे गेदे आम लोकें गी श्रद्धांजलि देने मगरा उपराज्यपाल होरें हर संभव मदद ते सहायता दा परोआर आलें गी भरोसा दोआया। उपराज्यपाल होरें आखेआ जे सुरक्षा बल ते जम्मू कश्मीर पुलस आतंकवाद सरबंधी तंत्र गी खत्म करने लेई वचनबद्ध ऐ।

<><><><><><>

Chief Minister

मुख्मंत्री उमर अब्दुल्ला होरें किश्तवाड़ जिले दी वारवान घाटी दी उस थाहर दा दौरा लाया जित्थें अग्ग लगने दी घटना पेश आई ही। इस घटना च केई सारे घर फकोई गे हे। एह वारदात 15 अक्तूबर गी होई। मुख्मंत्री होरें इक दिन मगरा अपना औहदा संभालेआ हा।

उमर अब्दुल्ला होरें प्रभावत परोआरें कन्नै मलाटी कीती ते अपनियां संवेदना बी जाहर करने दे अलावा फौरी राहत ते मदद दा भरोसा दोआया। उनें प्रभावत परोआरें गी भरोसा दोआया जे सरकार मुश्कल दी इक घड़ी च उंदे कन्नै खड़ोती दी ऐ। मुख्यमंत्री होरें आखेआ जे प्रधानमंत्री राहत कोष थमां माली मदद लेई कम्म शुरू करी दित्ता ऐ। एहदे राएं इनें लोकें गी बाद्दू मदद उपलब्ध करोआई जाग। उनें आखेआ ले प्रधानमंत्री आवास योजना तैहत घर बनाने लेई बी प्रीभावत गी सहायता उपलब्ध करोआई जाग। इयै नेई होर घटना पेश नेई आवै एहदे आस्तै मुख्यमंत्री होरें वारवान ते मारवाह च 2 नमें फायर स्टेशन कायम करने दी घोषणा कीती।

<><><><><><>

DC Jammu

जम्मू दे डिप्टी कमीशनर सचिन कुमार वैश्य होरें सलाना झिड़ी मेले दी तैआरिएं दी समीक्षा करने लेई इक बैठक दी अध्यक्षता कीती। इस मौके पर डिप्टी कमीशनर होरें सब्बने मैहकमे गी रलियै कम्म करने लेई आखेआ तां जे यात्रुएं दी सुरक्षा जकीनी बनाई जाई सकै। एहदे कन्नै गै उनें पीने आला पानी, साफ सफाई, सेहत सुविधा ते होरनी तैआरिएं दा इंतजाम करने पर बी जोर भरेआ। झिड़ी मेला हर ब'रे लगदा ऐ ते ज्हारां बद्धे श्रद्धालु मत्था टेकने लेई औंदे न। डिप्टी कमीशनर होरें मुत्तलका अधिकारिएं गी निर्देश दित्ते जे सब्बै इंतजाम समें सिर पुर करना जकीनी बनाया जा, जेहदे च ट्रैफिक प्रबंधन ते होरनी जरूरी सेवां शामिल न।

<><><><><><>

Railway Reservation

सरकार नै रेल गड्डिएं च एडवांस रिजर्वेशन दी मजूदा समें-सीमा गी 120 दिनें कोला घटाइये 60 दिन करने दा फ़ैसला कीता ऐ। रेल मंत्रालय नै जारी अपने नमें नियम च आखेआ ऐ जे नमीं बवस्था अगले म्हीने दी पैहली तरीक कोला लागू होग ते इस म्हीने दी 31 तरीक तोड़ी कीती गेदियां सारियां बुकिंगां बरकरार रौहडन। मंत्रालय नै अग्गे आखेआ जे विदेशी सैलानिएं लेई 365 दिनें दी हद च कोई बदलाव नेई कीता गया ऐ।

<><><><><><>

DC Poonach

पुंछ दे डिप्टी कमीशनर विकास कुंडल होरें इक बैठक लाइयै एम्मीद स्कीम दी अमलावरी दा व्यापक जायजा लैता। एह स्कीम जम्मू कश्मीर प्रदेश ग्रामीण आजीविका मिशन तैहत चलाया जा'रदा ऐ। डिप्टी कमीशनर होर आप सहायता समूह ते मिंबरें ते महिला प्रतिभागिएं गी दस्सेआ जे "साथ" ग्रामीण लतन दा मकसद महिलाएं गी आत्म निर्भर बनाना ऐ।

डीसी होरें जेकेआरएलएम दे जिला नोडल अफसर ते ब्लाक प्रग्राम अधिकारी गी हिदायत कीती जे ओह बद्धोबद्ध महिलाएं गी इनें स्कीमें तैहत आनन तां जे उनेंगी टिकारु आजीविका दे मौके हासल होई सकन।

<><><><><><>

DC Rajouri

राजौरी दे डिप्टी कमीशनर अभिषेक शर्मा होरें राई-बाई ते पूरे पराते विकास सरबंधी प्रोग्राम ते खाने पीले आली चीजें गी डब्बा बंद करने आले भलेया लौहके उत्पादें सरबंधी पीएमएफएमई स्कीम तैहत मामले दी प्रगति दा जायजा लैता ते किश गी मंजूरी बी दित्ती। उनें मुत्तलका मैहकमे गी हिदायतां कीतियां जे ओह योग्य करसानें गी किसान दोहार कार्ड जारी करन ते लाभार्थीएं दे बकाया पेदी ई-केवाईसी गी पूरा करन तां जे उनेंगी राई-बाई दी बक्ख-बक्ख सरकारी स्कीम दा लाह ते माली मदद हासल होइ सकै। डिप्टी कमीशनर होरें सहकारिता सरबंधी मामले, लौहकी सिंचाई परियोजनाएं, पर खास ध्यान देने लेई आखेआ। डिप्टी कमीशनर होरें मुत्तलका अफसरें गी उनें ब्लाकें दी ताल करने लेई आखेआ जित्थें भोर पालन गी बढ़ावा दित्ता जाई सकदा ऐ। एह्दे लेई करसानें गी लोडचदी मदद देने लेई बी आखेआ गोआ।

<><><><><><>

KVK Kathua

कृषि विज्ञान केन्द्र कठुआ आस्सेआ सकास्ट जम्मू दे प्रशासनिक नियंत्रण हेठ रबी हसिान मेले दा सरिस्ता कीता गोआ। एह्दा आयोजन इफको जम्मू दे सैहयोग कन्नै होआ। इस दरान करसानें गी राई-बाई लेई भलेआं अज्जै कल्लै स्हाबै दिएं तकनीकें ते पैदावार बधाने बारे दस्सेआ दयाया गोआ। एह्दे च 5 सौ थमां बद्ध करसानें हिससा लैता। इंदे च महिलाएं दे अलावा हीरानगर तैहसील दे बक्ख-बक्ख इलाकें दे साबका सरपंच ते पंच बी शामिल हे। सीस्ट लम्मू दे वाइस चांसलर डॉ. बी.एन.त्रिपाठी होरें राई-बाई ते होरने सरबंधी सेक्टर जियां बागवानी, पशु पालन, रेशम दे कीड़ें पालने, मच्छी पालन ते कृषि विज्ञान केन्द्र दे होर दुए स्टालें दा जायजा लैता। इत्थें करसानें दे कल्याण सरबंधी बक्ख-बक्ख स्कीमें ते प्रोग्रामें गी बी दस्सेआ गोआ। इस मौके पर बोलदे होई डॉ. त्रिपाठी होरें आखेआ.....

<><><><><><>

DC Reasi

रियासी दे डिप्टी कमीशनर विशेष महाजन होरें कल इक बैठक च निर्माण कम्म च इस्तेमाल हाने आले समेयान दे भाएं दे सिलसिले च चर्चा कीती। सरबंधत धड़ें जियां जे कनर्माण कम्म कन्ने जुड़ दे लोकें ते अधिकारिण कन्नै तफसीली चर्चा दे बाद डीसी होरें उनेंगी लागत सरबंधी इक रिपोर्ट तैआर करने लेई आखेआ।

गैर कनूनी खनन दे खलाफ जीरो टालरेंस आली नीति पर जोर पांदे होई उनें मुत्तलका अफसरें गी आखेआ जे बिजन इजाजत दे कम्म करा'रदे क्रेशरें गी सील करी दित्ता जा।

<><><><><><>

DISA Ramban

जम्मू कश्मीर कनूनी सेवाएं प्राचीकरण दी अगुवाई च रामबन जिला दे कनूनी सेवाएं प्राचीकरण नै कल अदालत परिसर च अंडर ट्रायल रिवियू कमेटी दी त्रीह बैठक सददी। एह बैठक जिला रामबन कन्नै सरबंधत कैदिएं दी पंछान ते समीक्षा च तेजी आनने लेई कीती गई ही जेहड़े जिला जेल उधमपुर च बंद न, कन्नै गै जमानत लेई योग्य बी ऐन। एहदे अलावा इस बैठक च मिटी दे नियमित कम्मकाज च तेजी आनने लेई सब्बै अंडर ट्रायल कैदिएं दी स्थिति दी समीक्षा कीती गई। कमेटी ने इस दरान 10 मामलें गी लेइयै चर्चा कीती पर कुसै बी मामले च फौरन रिहाई दी सफारश नेई कीती गई।

<><><><><><>

Surgical Camp Bani

पहाड़ी इलाके च 2 जहार शा मते लाभार्थिएं गी विशेष मैडिकल सेवां देने लेई इसले बनी च इक मुफ्त सर्जिकल कैंप चलाया जा'रदा ऐ। सेहत ते परोआर कल्याण मैहकमे आस्सेआ एसओएस मैमोरियल ट्रस्ट दिल्ली दे सैहयोग कन्नै आयोजित एह कैंप 13 अक्टूबर गी शुरू होआ हा ते 19 अक्टूबर तगर जारी रौहग। जिला प्रशासन ले डिप्टी कमीशनर राकेश मिन्हास हुंदे मार्गदर्शन च मुख्ख मैडिकल डॉ. विजय रैणा ते ब्लाक मैडिकल अफसर डॉ. देव राज हुंदे कन्नै मिलियै इस कैंप दे सरिस्ते च मुख्ख भूमका नभाई ऐ।

<><><><><><>